



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 57. Daimberti obitus. Gibellinus Patriarcha Hierosolymitanus.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. promitteret, se eandem obedientiam ei
A.C. 1107. in Archiepiscopatu præstiturum esse,
 quam in Episcopatu professus fuisset.
 Exinde qui ad Episcopatum electi erant,
 Cantuariam venerunt, ibique in Domi-
 ca, die undecima Augusti ab Anselmo,
 assistentibus ejus Suffraganeis, ordinati
 sunt. Erant vero hi Neo-electi Episcopi
 numero quinque, inter quos memoratu
 maxime dignus, Guilielmus Varelvastus,
 Episcopus Exoniensis ordinatus. Ansel-
 mus, data ad Papam epistola, certio-
 rem faciebat, Regem Angliæ jure Investiendi
 Præsules cessisse, nec jam temere & suo
 arbitrio, sed ex consilio virorum, quo-
 rum perspecta omnibus pietas esset, regi.
 Memorat etiam, quam utilem ope-
 ram Robertus Comes Melanchinus *, cu-
 jus consiliis Rex adsueverat, in hac cau-
 sa Ecclesiæ præstiterit.

* Meulan.

§. LVII.

*Daimberti obitus. Gibellinus Patriar-
 cha Jerosolymitanus.*

Jam annis plus duobus Daimbertus Pa-
 triarcha Jerosolymitanus cum Pascha-
 to. 10. Conc. li Papa versabatur, qui eum retinebat,
 p. 712. ex expectans adventum illorum, qui forsitan
 Guil. Tyr. se purgarent, quod Patriarcham e Sede
 XI. c. 4. sua amovissent. Sed nemine ipsum ac-
 cusante, cum constaret, nullam eum de-
 pellendi causam fuisse, quam violentum
 Regis

Regis imperium, ad Ecclesiam suam re-
mittitur, cum Papæ literis, in quibus te-
statur, Daimbertum Sacræ Sedis gra-
tia dignum esse. Ipse Jerosolymam re-
diturus in Siciliam trajecit, ubi cum op-
portunam navigationi tempestatem ex-
pectat, morbo corripitur, & e vita exce-
dit, vigesima septima Junii, hoc anno mil-
lesimo centesimo septimo, postquam le-
gitimus Patriarcha Jerosolymitanus in
quieta possessione annis quatuor & tri-
bus in exilio fuisset. Ebreminus in Daim-
berti Sedem intrusus, cum comperisset,
ipsum auctoritate Summi Pontificis mu-
nitum redire, nescius, eundem in Sicilia
spiritum exhalasse, Romam ire consti-
tuit, ut se apud Pontificem excusaret, &
ostenderet, se invitum in Sede Jeroso-
lymitana fuisse collocatum. Postquam
vero Romam pervenit, nihil aliud impe-
trare potuit, quam ut cum ipso Jerosoly-
mam redeunte Legatus mitteretur, qui
in ipsa Civitate ampliorem hujus causæ
cognitionem caperet.

Igitur Jerosolymam missus est Gibel-
linus Archiepiscopus Arelatensis, vir senili
ætate, qui postquam in Sanctam Civita-
tem pervenisset, convocato Episcoporum
illius Regni Concilio, & Ebremari causa
accurate discussa, ex testibus omni ex-
ceptione majoribus intellexit, Daimber-
tum absque causa legitima, ab Arnulphi
factione

Sæcul. XII.

A. C. 1107.

Sæcul. XII. A.C. 1107. factione & Rege irato fuisse pulsum, Ebre-
 marum vero Sedem Episcopi viventis, &
 Ecclesiastica Communione fruētis usur-
 passe. Quare Sacræ Sedis Auctoritate
 eum a Patriarchatu deposuit; quia au-
 tem de cetero Ebreumarum virum simpli-
 cem & pium esse constabat, eundem Ec-
 clesiæ Casariensi tunc vacanti præfecit.
 Cum deinde Clerici populusque electio-
 ne alterius Patriarchæ Jerosolymitani
 contenderent, die ad hoc negotium, pro
 more antiquo pertractandum, præstituta,
 post longam deliberationem, omnes tan-
 dem Gibellinum Legatum elegerunt, &
 in Sede Patriarchali collocarunt. Non
 defuerunt, qui dicerent, istud quoque
 Arnulphi artibus effectum, ut in hac Ca-
 thedra Senecio subrogaretur, qui per
 atatem diu vivere non posset. Gibelli-
 nus tamen Ecclesiam Jerosolymitanam
 annis quinque rexit.

§. LVIII.

Ecclesiæ Jerosolymitanæ Jurisdictio.

Guil. Tyr. lib. XI. c. 28. Pasch. P. ep. 18. **G**ibellino sedente, Balduinus Rex, for-
 san Clericis id consilium suggeren-
 tibus, Romam Legatos misit, qui pete-
 rent, ut omnes urbes & provinciæ,
 quas potestati Infidelium eriperet, Ju-
 risdictioni Ecclesiæ Jerosolymitanæ sub-
 jicerentur. Idque ei Paschalis Papa
 concessit, data Bulla, in qua dicit: *Ec-
 clesia*